

# Жисмоний шахслардан олинадиган даромад солиғи ва ижтимоий солиқ ҳисоб-китобини тўлдириш бўйича қўлланма

## I. Ҳисобот таркиби

Ушбу солиқ ҳисоботи шакли **ҳисоб-китоб** ва 7 та иловадан иборат:

**1-илова.** Ижтимоий солиқ ҳисобланмайдиган тўлов турлари;

**2-илова.** Жисмоний шахсларнинг солиқ солишдан озод этилган даромадлари ёйилмаси;

**3-илова.** Мол-мулкни ижарага берувчи жисмоний шахслар учун белгиланган ижара тўловининг энг кам миқдори Маълумотнома-ҳисоб-китоби;

**4-илова.** Ҳар бир жисмоний шахс кесимида ҳисобланган меҳнатга ҳақ тўлаш тарзидаги даромадлар ва жисмоний шахслардан олинадиган даромад солиғи тўғрисида Маълумот;

**5-илова.** Ҳар бир жисмоний шахс кесимида ҳисобланган мулкӣ (дивиденд ва фоизлардан ташқари), моддий наф тарзидаги ва бошқа даромадлар ҳамда жисмоний шахслардан олинадиган даромад солиғи тўғрисида Маълумот;

**6-илова.** Бажарилган қурилиш ишлари бўйича иш ҳақи ҳисобланиши юзасидан Маълумот;

**7-илова.** Ҳар бир жисмоний шахс кесимида касаначилик фаолиятдан олинган даромадлар, мазкур даромадлар бўйича ҳисобланган жисмоний шахслардан олинадиган даромад солиғи тўғрисида Маълумот.

## II. Жисмоний шахслардан олинадиган даромад солиғи ва ижтимоий солиқ ҳисоб-китоби

1. Ҳисоб-китоб юридик шахслар томонидан йил бошидан ўсиб боровчи якун билан сўмда тўлдирилади.

2. “Ҳисобот давридаги ишловчиларнинг ўртача сони” сатрига **4-иловадаги** даромад ҳисобланган жисмоний шахсларнинг сони кўрсатилади. Ҳисоб-китобнинг “шундан асосий бўлмаган иш жойи бўйича” сатрида корхонада ўриндошлик асосида ишловчи ходимларнинг сони кўрсатилади.

3. Ҳисоб-китобнинг 011-сатрида ижтимоий солиққа умумбелгиланган (12, 25, 7 ёки 4,7 фоиз) ставкаларда тортиладиган Солиқ кодексининг 371-моддасига асосан ходимларга ҳисобланган жами меҳнатга ҳақ тўлаш тарзидаги даромадлар акс эттирилади.

4. Ҳисоб-китобнинг 0110-сатрида ҳисобот ойда ҳисобланган меҳнатга ҳақ тарзидаги даромадларнинг жами суммаси (4-илованинг 012-устунидаги) акс эттирилади.

5. Ҳисоб-китобнинг 0111-сатрида Ўзбекистон Республикаси ҳудудида ишлаш учун чет эллик ходимларни бериш бўйича хизматлар кўрсатиш шартномасига мувофиқ юридик шахс - Ўзбекистон Республикаси норезидентига тўланадиган чет эллик ходимларнинг даромадлари акс эттирилади.

6. Ҳисоб-китобнинг 012-сатрида юридик шахс томонидан жисмоний шахсларга (меҳнат муносабатларида бўлишдан қатъий назар) Солиқ кодексининг 375 (дивиденд ва фоизлардан ташқари), 376 ва 377-моддаларга асосан ҳисобланган даромадларнинг жами суммаси (5-илованинг 5-устунидаги) акс эттирилади.

6.1. Солиқ кодексининг 375-моддасига асосан жисмоний шахсларга турар, нотурар жойлар, енгил автомобиллар, микроавтобуслар, автобуслар ва юк автомобиллари ижарага беришдан олинган даромадлар ҳисобланганда, ҳисоб-китобнинг 012-сатрида акс эттириш билан бир қаторда ушбу суммани **3-илова** “Мол-мулкни ижарага берувчи жисмоний шахслар учун белгиланган ижара тўловининг энг кам миқдори Маълумотнома-ҳисоб-китоби”нинг **040-сатрида**

хар бир мол-мулк бўйича ижара шартномасида белгиланган ойлик ижара миқдори кўрсатилиши шарт.

7. Ҳисоб-китобнинг 0121-сатрида меҳнатга оид муносабатларда бўлмаган жисмоний шахснинг ёзма аризасига асосан жисмоний шахслардан олинадиган даромад солиғи ушлаб қолинмаган моддий наф тарзидаги даромадларнинг жами суммаси акс эттирилади.

Ушбу сатрда жисмоний шахсларга Солиқ кодексининг 376-моддасида кўрсатилган даромадларни тўлаб берган, лекин Солиқ кодексининг 387-моддага асосан даромад солиғи ушлаб қолинмаган моддий наф тарзидаги даромадлар кўрсатилади.

8. Ҳисоб-китобнинг 013-сатрида юридик шахс томонидан жисмоний шахсларга касаначилик фаолияти бўйича ҳисобланган даромадларнинг жами суммаси (7-илованинг 5-устунидаги) акс эттирилади.

9. Ҳисоб-китобнинг 020-сатри юридик шахс томонидан 1-илова “Ижтимоий солиқ ҳисобланмайдиган тўлов турлари” тўлдирилганда шаклланади.

10. Ҳисоб-китобнинг 030-сатри юридик шахс томонидан 2-илова “Жисмоний шахсларнинг солиқ солишдан озод этилган даромадлари ёйилмаси” тўлдирилганда шаклланади.

11. Ҳисоб-китобнинг 040-сатрида ижтимоий солиқ (011-сатр + 0111-сатр – 020-сатр), шундан ижтимоий солиқнинг пасайтирилган ставкаси бўйича солиқ (2-илова 040-сатрдаги имтиёз суммаси) ва жисмоний шахслардан олинадиган даромад солиғи (011-сатр + 012-сатр – 0121-сатр + 013-сатр – 030-сатр) солинадиган база шаклланади.

12. Ҳисоб-китобнинг 050-сатрига ижтимоий солиқ (5-устунда 12, 25, 7 ёки 4,7 фоиз) ва жисмоний шахслардан олинадиган даромад солиғи (12) ставкалари киритилади.

13. Ҳисоб-китобнинг 060-сатрида ижтимоий солиқ ва даромад солиғи суммаси шаклланади (040-сатр x 050-сатр). Бунда, пасайтирилган ставка бўйича ижтимоий солиқ суммаси (060-сатр 6-устун) 2-илова 040-сатрдаги солиқ суммаси асосида шаклланади.

13.1. Ҳисоб-китоб 060-сатрининг 8-устунида жисмоний шахслардан олинадиган даромад солиғи солинадиган иш ҳақи даромадига нисбатан 0,1 фоиз ставкада ШЖБПҲга ҳисобланган мажбурий бадаллар суммаси юридик шахс томонидан акс эттирилади.

13.2. 061-сатр Ўзбекистон Республикасининг юридик шахслари бўлган, ходимлари 25 нафардан ортиқ бўлган алоҳида бўлинмаларга ва (ёки) филиалларга эга солиқ агентлари томонидан тўлдирилади.

Бунда филиаллар ва (ёки) алоҳида бўлинма томонидан ижтимоий солиқ суммаси камайтирилади (5 ва 6-устунларда), бош офис томонидан алоҳида бўлинма ва (ёки) филиалларга тегишли бўлган жисмоний шахслардан олинадиган даромад солиғи суммаси камайтирилади (7-устунда).

*Мисол. Юридик шахс Тошкент шаҳрининг Шайхонтохур туманидан рўйхатдан ўтган ва Бухоро вилоятининг Бухоро шаҳрида филиал ташиқил этган. Бош офисда 10 нафар ходим, филиалда 30 нафар ходим ишлайди. 2023 йил январь ойи учун бош офисдаги ходимлар учун 10 млн.сўм, филиал ходимлари учун 30 млн.сўм иш ҳақи ҳисобланди.*

*Бош офис учун ҳисоботни тўлдириш тартиби.*

*Ҳисоб-китобнинг 011-сатрида 40 млн.сўм, 061-сатри 7-устунида филиалга тегишли бўлган даромад солиғи суммаси – 3,6 млн.сўм (30 млн.сўм x 12%) кўрсатилади. ШЖБПҲга ҳисобланган бадаллар (060-сатр 8-устуни) суммасига 10 минг сўм (10 млн.сўм x 0,1%) кўрсатилади.*

*Филиал (алоҳида бўлинма) учун ҳисоботни тўлдириш тартиби.*

*Ҳисоб-китобнинг 011-сатрида 30 млн.сўм, 061-сатри 5-устунида филиалга тегишли бўлган ижтимоий солиқ суммаси – 3,6 млн.сўм (30 млн.сўм x 12%) кўрсатилади. ШЖБПҲга ҳисобланган бадаллар (060-сатр 8-устуни) суммасига 30 минг сўм (30 млн.сўм x 0,1%) кўрсатилади.*

14. Ҳисоб-китобнинг 070-сатрида мол-мулкни ижарага беришдан олинган даромадлар бўйича ҳисобланган жисмоний шахслардан олинадиган даромад солиғи акс эттирилади.

14.1. Ҳисоб-китобнинг 071-сатрида 3-илова “Мол-мулкни ижарага берувчи жисмоний шахслар учун белгиланган ижара тўловининг энг кам миқдори Маълумотнома-ҳисоб-китоби”нинг 070-сатрида қўшимча ҳисобланган даромад солиғи шаклланади.

15. Мол-мулкни ижарага беришдан олинган даромадлар бўйича ҳисобланган жисмоний шахслардан олинган даромад солиғи (070-сатр + 071-сатр) суммаси солиқ тўловчининг шахсий карточкаси (186-код)да алоҳида акс эттирилади.

16. Ҳисоб-китобнинг 080-сатрида ШЖБПҲга ихтиёрий равишда ҳисобланган бадаллар суммаси юридик шахс томонидан акс эттирилади. Мазкур ихтиёрий бадал суммаси 2-илова “Жисмоний шахсларнинг солиқ солишдан озод этилган даромадлари ёйилмаси”да ҳам акс эттирилиши шарт.

17. Ҳисоб-китобнинг 090-сатрида солиқ тўловчининг шахсий карточкасига борадиган ижтимоий солиқ (36-код), жисмоний шахслардан олинган даромад солиғи (46-код) ва ШЖБПҲга бадаллар (101-код) суммалари шаклланади.

17.1. 090-сатрдаги жисмоний шахслардан олинган даромад солиғи суммаси = 060-сатр – 061-сатр - 070-сатр - 071-сатр - 060-сатрдаги ШЖБПҲга ҳисобланган мажбурий бадаллар суммаси.

17.2. 090-сатрдаги ижтимоий солиқ суммаси = 060-сатр – 061-сатр.

### **III. 1-илова. Ижтимоий солиқ ҳисобланмайдиган тўлов турлари**

18. Илова уч қисмдан иборат бўлиб, биринчи қисмида Ўзбекистон Республикаси Солиқ кодексига асосан берилган солиқ имтиёзлари, иккинчи қисмида бошқа норматив-ҳуқуқий ҳужжатларга асосан берилган солиқ имтиёзлари, учинчи қисмида норматив-ҳуқуқий ҳужжатларга асосан пасайтирилган ставкалар бўйича имтиёз суммаси ва солиқ суммаси акс эттирилади.

### **IV. 2-илова. Жисмоний шахсларнинг солиқ солишдан озод этилган даромадлари ёйилмаси**

19. Илова икки бўлимдан иборат. Биринчи бўлимда Ўзбекистон Республикаси резидентларига қўлланиладиган имтиёзлар акс эттирилади. Иккинчи бўлимда Ўзбекистон Республикаси норезидентларига қўлланиладиган имтиёзлар акс эттирилади. Ушбу имтиёзларнинг жами суммаси ҳисоб-китобнинг 030-сатрида жамланади.

### **V. 3-илова. Мол-мулкни ижарага берувчи жисмоний шахслар учун белгиланган ижара тўловининг энг кам миқдори Маълумотнома-ҳисоб-китоби**

20. Маълумотноманинг 010-сатрида жисмоний шахслардан ижарага олинган мол-мулкларнинг ўлчов бирлиги кўрсатилади.

21. 020-сатрда қонунчиликда белгиланган ойлик ижара тўлови ставкаларининг энг кам миқдорлари кўрсатилади (бунда фақат транспорт воситалари ижараси учун татбиқ этилади).

*Маълумот учун: 2025 йил 1 январдан амалга киритилган Ўзбекистон Республикаси 2024 йил 24 декабрда қабул қилинган “2025 йил учун Ўзбекистон Республикасининг Давлат бюджети тўғрисида”ги ЎРҚ-1011-сонли Қонунига асосан Қорақалпоғистон Республикаси Жўқорғи Кенгеси, халқ депутатлари вилоятлар Кенгашлари томонидан белгиланган ижара тўловининг энг кам ставкаларига нисбатан туманлар ва шаҳарлар кесимида, уларнинг иқтисодий ривожланиши даражасига қараб қўлланилган оширувчи коэффициентдан келиб чиқиб 020-сатрда турар ва нотурур мол-мулклар учун белгиланган ижара тўловининг энг кам миқдори бир нечта бўлиши мумкинлиги сабабли ушбу сатр тўлдирилмайди.*

22. 030-сатр солиқ тўловчи томонидан турар ва нотурар мол-мулк ижараси учун белгиланган ижаранинг энг кам меъёридан келиб чиқиб мустақил ҳисоблаб киритилиши шарт (бундан транспорт воситалари ижараси мустасно бўлиб, ойлик ижара тўловининг энг кам миқдори автоматик равишда шаклланади).

*Маълумот учун: Олдин мазкур сатрнинг турар ва нотурар мол-мулк ижарасига тегишли қисмлари автомат шакллантирилган.*

23. 040-сатрда юридик ва жисмоний шахс ўртасида тузилган ижара шартномасида кўзда тутилган ойлик ижара миқдори акс эттирилади. Ушбу сумма ҳисоб-китобнинг 012-сатрида ҳам акс эттирилиши шарт.

24. 050-сатрда қўшимча равишда ҳисобланган даромад солиғи суммаси шаклланади ((030-сатр – 040-сатр) x 12%).

25. 060-сатрда аввалги ҳисобот даври учун жисмоний шахслардан олинadиган даромад солиғининг қўшимча ҳисобланган суммаси акс эттирилади.

26. 070-сатрда ҳисобот даври учун қўшимча ҳисобланган даромад солиғи суммаси шаклланади ва ушбу сумма ҳисоб-китобнинг 070-сатрига боради.

*1-мисол. Корхона Тошкент шаҳри, Шайхонтохур туманидаги 1, 4 ва 5 зоналарда жойлашган нотурар жой биносини жисмоний шахслардан ижарага олди.*

*а) 1-зонада жойлашган, майдони 30 кв.метр нотурар жой – шартномага асосан ойлик ижара миқдори 500 000 сўм (Халқ депутатлари Тошкент шаҳри Кенгаши томонидан тасдиқланган ижара тўловининг энг кам миқдори 90 000 сўм);*

*б) 4-зонада жойлашган, майдони 40 кв.метр нотурар жой – шартномага асосан ойлик ижара миқдори “0” сўм (текинга ижарага берилган) (Халқ депутатлари Тошкент шаҳри Кенгаши томонидан тасдиқланган ижара тўловининг энг кам миқдори 85 500 сўм);*

*с) 5-зонада жойлашган, майдони 50 кв.метр нотурар жой – шартномага асосан ойлик ижара миқдори 700 000 сўм (Халқ депутатлари Тошкент шаҳри Кенгаши томонидан тасдиқланган ижара тўловининг энг кам миқдори 81 000 сўм);*

*Ижара жами майдони – 120 кв.метр (30 кв.метр + 40 кв.метр + 50 кв.метр)*

*Ушбу жами ижара майдони (120 кв.метр) 3-илова “Мол-мулкни ижарага берувчи жисмоний шахслар учун белгиланган ижара тўловининг энг кам миқдори Маълумотнома-ҳисоб-китоби”нинг 010-сатрида акс эттирилади.*

*Ҳисоб-китобга илованинг 030-сатрига белгиланган ижара тўловининг энг кам миқдоридан (10 170 000 сўм (2 700 00 сўм (30 кв.метр x 90 000) + 3 420 000 сўм (40 кв.метр x 85 500) + 4 050 000 сўм (50 кв.метр x 81 000)) келиб чиқиб жами 10 170 000 сўм киритилади.*

*Ҳисоб-китобга илованинг 040-сатрига ижаранинг жами шартномавий миқдори – 1 200 000 сўм (500 000 + 0 + 700 000) киритилади. Ушбу сумма (1 200 000 сўм) Ҳисоб-китобнинг 012-сатрида акс эттирилади.*

*Ҳисоб-китобга илованинг 050-сатрида, белгиланган ижара тўловининг энг кам миқдори 10 170 000 сўм шартномада кўрсатилган ижара тўловининг миқдори 1 200 000 сўмдан кўп бўлганлиги учун, фарқидан, яъни 8 970 000 сўмдан (10 170 000 – 1 200 000) **1 076 400 сўм** (8 970 000 \* 12 %) даромад солиғи қўшимча равишда ҳисобланади.*

*Бундан ташқари, жисмоний шахсдан 2 донга энгил автомобилларни ижара шартномасига асосан ойлик тўлови 300 000 сўмдан ижарага олган.*

*Ушбу энгил автомобиль транспортларининг жами миқдори илованинг 010-сатри 10-устунида акс эттирилади.*

*020-сатрнинг 10-устунида қонунчиликка асосан 2025 йил учун энгил транспорт воситаси учун ойлик ижара тўлови ставкасининг энг кам миқдори 858 000 сўм кўрсатилади.*

*030-сатрнинг 10-устуни ҳисобот оyi учун ижара тўловининг энг кам миқдори автоматик равишда шаклланади.*

040-сатрнинг 10-устунига ижаранинг жами шартномавий миқдори – 600 000 сўм (300 000 x 2) киритилади.

050-сатрнинг 10-устунида, белгиланган ижара тўловининг энг кам миқдори 1 716 000 сўм (858 000 x 2) шартномада кўрсатилган ижара тўловининг миқдори 600 000 сўмдан кўп бўлганлиги учун, фарқидан, яъни 1 116 000 сўмдан (1 716 000 – 600 000) 133 920 сўм (1 116 000 \* 12 %) даромад солиғи қўшимча ҳисобланади.

Жами ҳисобот ойи учун жисмоний шахслардан олинadиган даромад солигининг қўшимча ҳисобланган суммаси 1 210 320 сўмни (1 076 400 + 133 920) ташкил этади.

Ҳисоботни ўсиб борувчи тартибда тўлдириши мақсадида 060-сатрга аввалги маълумотноманинг 070-сатридаги суммаси қўйилади. Қўшимча ҳисобланган солиқ суммаси Ҳисоб-китобнинг 070-сатрида автомат равишида шаклланади.

Мол-мулкни ижарага берувчи жисмоний шахслар учун белгиланган ижара тўловининг энг кам миқдори МАЪЛУМОТНОМА-ҲИСОБ-КИТОБИ										
Кўрсаткичлар	Сатр коди	Жами	Ижарага берилadиган мол-мулк тури							
			тузар жой (кв.метр)				нотузар жой (кв.метр)			
			Тошкент ш. ва вилоят марказларидаги шаҳарлар	Нукус ш. ва вилоят марказларидаги пунктлари	бошқа аҳоли пунктлари	Тошкент ш. ва вилоят марказларидаги шаҳарлар	Нукус ш. ва вилоят марказларидаги пунктлари	бошқа аҳоли пунктлари	енгил автомобиллар (донга)	микроавтобуслар, автобуслар ва юк автомобиллари (донга)
1	2	3	4	5	6	7	8	9	10	11
Ижарага берилadиган мол-мулк ўлчов бирлиги:	010	x				120,00				2,00
Ойлик ижара тўлови ставкаларининг энг кам миқдори, сўмда*	020	x				x				858 000,00
Ҳисобот ойи учун ижара тўловининг энг кам миқдори**	030	11 886 000,00				10 170 000,00				1 716 000,00
Ижара шартномасига асосан ҳар ойлик ижара тўлови***	040	1 800 000,00				1 200 000,00				600 000,00
Ҳисобот ойи учун жисмоний шахслардан олинadиган даромад солигининг қўшимча ҳисобланган суммаси ((030-сатр - 040-сатр) x 12%)	050	1 210 320,00	0,00	0,00	0,00	1 076 400,00	0,00	0,00		133 920,00
Аввалги ҳисобот даври учун жисмоний шахслардан олинadиган даромад солигининг қўшимча ҳисобланган суммаси (аввалги Маълумотнома-ҳисоб-китобнинг 070-сатри)	060	0,00	x	x	x	x	x	x	x	x
Ҳисобот даври учун жисмоний шахслардан олинadиган даромад солиғи қўшимча ҳисобланган суммаси (050-сатр + 060-сатр)	070	1 210 320,00	x	x	x	x	x	x	x	x

## VI. 4-илова. Ҳар бир жисмоний шахс кесимида ҳисобланган меҳнатга ҳақ тўлаш тарзидаги даромадлар ва жисмоний шахслардан олинadиган даромад солиғи тўғрисида Маълумот

27. Ушбу иловада Солиқ кодексининг 371-моддасига асосан ҳисобланган меҳнатга ҳақ тўлаш тарзидаги даромадлар олган ходимлар рўйхати акс эттирилади.

28. Илованинг барча устунлари мажбурий тарзда тўлдирилиши шарт.

29. 5-устунга, агар иш ўрни 01.01.2025 йилгача ташкил қилинган бўлса 01.01.2025 ёзилади, жорий йилда ташкил этилган бўлса сана кўрсатилади.

30. 6-устунга, агар ходим резидент жисмоний шахс бўлса – 1 рақами, норезидент жисмоний шахс бўлса – 2 рақами қўйилади.

31. 7-устунга, агар ходим ҳисобот даври якуни билан ишлаб келаётган бўлса – 1 рақами, меҳнат шартномаси (фуқаролик-ҳуқуқий тусдаги ёки қурилиш корхоналари томонидан шартнома тузмасдан ёлланган) бекор бўлган бўлса – 2 рақами қўйилади.

32. 8-устунга ходим билан тузилган меҳнат шартномаси тури кўрсатилади. Бунда агар, асосий иш жойида тузилган меҳнат шартномаси бўлса – 1 рақами, ўриндошлик асосида тузилган бўлса – 2 рақами, фуқаролик-ҳуқуқий тусдаги бўлса – 3, рақами ва қурилиш корхоналари томонидан шартнома тузмасдан ёлланган бўлса – 4 рақами қўйилади.

33. 9-устунда ходимнинг меҳнат шартномасига асосан иш вақти кўрсатилади (0,25; 0,5; 0,75; 1 ва ҳ.к).

34. 10-устунда иш ўрни доимий бўлса - 1, 01.01.2025 йил ҳолатига мавжуд бўлган вакант ҳисобига қабул қилинган бўлса - 2, жорий йилда янги яратилган иш ўрни ҳисобига бўлса - 3, мавсумий бўлса – 4 рақами қўйилади.

35. 11-12-устунларда ходимларга ҳисобланган иш ҳақи тарзидаги даромадлар тўлик кўрсатилади.

36. 11-устуннинг жами суммаси ҳисоб-китобнинг 011-сатридаги, 12-устуннинг жами суммаси ҳисоб-китобнинг 0110-сатридаги суммага тенг бўлиши шарт.

37. 13-14-устунларда ҳисобланган даромад солиғи суммаси ШЖБПҲга мажбурий ҳисобланган бадаллар суммасини ўз ичига олган ҳолда акс эттирилади.

38. 15-24-устунларда жисмоний шахслардан олинадиган даромад солиғи ва ижтимоий солиқ ҳисоб-китоби 2-иловасида (*Жисмоний шахсларнинг солиқ солишдан озод этилган даромадлари ёйилмаси*) кўрсатилган имтиёз ID лари алоҳида кўрсатилиши шарт, агар имтиёз қўлланилмамаган бўлса, у ҳолда ушбу устунлар тўлдирилмайди.

**VII. 5-илова. Ҳар бир жисмоний шахс кесимида ҳисобланган мулкӣ (дивиденд ва  
фоизлардан ташқари), моддий наф тарзидаги ва бошқа даромадлар ҳамда жисмоний  
шахслардан олинадиган даромад солиғи тўғрисида  
Маълумот**

39. Ушбу иловада Солиқ кодексининг 375 (дивиденд ва фоизлар бундан мустасно), 376 ва 377-моддаларига асосан ҳисобланган даромадлар олган жисмоний шахслар рўйхати акс эттирилади.

40. Илованинг барча устунлари мажбурий тарзда тўлдирилиши шарт.

41. 4-устунга, агар жисмоний шахс резидент бўлса – 1 рақами, норезидент бўлса – 2 рақами қўйилади.

42. 5-6-устунларда жисмоний шахсларга ҳисобланган даромадлар тўлиқ кўрсатилади.

43. 5-устуннинг жами суммаси ҳисоб-китобнинг 012-сатридаги суммага тенг бўлиши шарт, 6-устунда ҳисобот ойида ҳисобланган даромадлар акс эттирилади.

44. 7-устунга Солиқ кодекси 375-моддасида белгиланган мулкӣ даромадлар бўйича 1-рақами, мол-мулкни ижарага беришдан олинган даромадлар бўйича 2-рақами, 376-моддасида белгиланган моддий наф тарзидаги даромадлар бўйича 3-рақами ва 377-моддасида белгиланган бошқа даромадлар бўйича 4-рақами қўйилади.

Агар жисмоний шахсга икки ёки уч турдаги даромадлар ҳисобланган бўлса, ҳар бири алоҳида акс эттирилади.

45. 8-9-устунларда ҳисобланган даромад солиғи суммаси акс эттирилади.

46. Солиқ кодексининг 387-моддасига асосан ҳисобот ойида меҳнатга оид муносабатларда бўлмаган жисмоний шахснинг ёзма аризасига асосан моддий наф тарзидаги даромадлардан жисмоний шахслардан олинадиган даромад солиғи ушлаб қолинмаган бўлса, 8-устунида “0” рақами кўрсатилиши шарт.

47. Жисмоний шахслардан олинадиган даромад солиғи ушлаб қолинмаган ва 8-устунда “0” кўрсатилган даромадларнинг жами суммаси ҳисоб-китобнинг 0121-сатрида акс эттирилиши шарт.

48. 10-19-устунларда жисмоний шахслардан олинадиган даромад солиғи ва ижтимоий солиқ ҳисоб-китоби 2-иловасида (*Жисмоний шахсларнинг солиқ солишдан озод этилган даромадлари ёйилмаси*) кўрсатилган имтиёз ID лари алоҳида кўрсатилиши шарт, агар имтиёз қўлланилмамаган бўлса, у ҳолда ушбу устунлар тўлдирилмайди.

**VIII. 6-илова. Бажарилган қурилиш ишлари бўйича иш ҳақи ҳисобланиши юзасидан  
Маълумот.**

49. ЖШДС ва ижтимоий солиқ ҳисоб-китобига 6-илова “Бажарилган қурилиш ишлари учун иш ҳақи ҳисоб-китоби тўғрисида маълумотнома” қурилиш ишларини бажарадиган солиқ тўловчилар томонидан тўлдирилади.

Ҳисоботнинг 6-иловаси Ўзбекистон Республикаси Президентининг ПФ-6098-сон Фармониға мувофиқ ҳодимларни шартнома тузмасдан ёллаши ёки ёлламаслиғидан қатъи назар барча қурилиш ташкилотлари томонидан тўлдиради.

Шунга асосан, 6-илова қурилиш ишларни бажарган солиқ тўловчилар томонидан ўсиб боровчи якун бўйича солиқ даври учун тўлдирилади.

50. Илованинг 1-устун ва 3-8 – устунлари бош пудрат ташкилоти томонидан ҳар бир қурилиш объекти бўйича алоҳида тузилган лойиҳа-смета ҳужжатига асосан тўлдирилади (*ёрдамчи пудратчилар мазкур устунларни тўлдирмайди*).

51. Илованинг 9 –11 устунлари бош пудрат ва ёрдамчи пудрат бўлган юридик шахслар ҳар бир қурилиш объекти бўйича алоҳида жами солиқ даврида ҳақиқатда бажарилган қурилиш ишлари асосида тўлдирилади.

52. Илованинг 12 –14 устунлари бош пудрат ташкилоти томонидан ҳар бир қурилиш объекти бўйича ўз кучи билан солиқ даврида ҳақиқатда бажарилган қурилиш ишлари асосида тўлдирилади (*ёрдамчи пудратчилар мазкур устунларни тўлдирмайди*).

53. Илованинг 15 –19 устунлари бош пудрат ташкилоти томонидан ҳар бир қурилиш объекти бўйича тузилган шартномаларга асосан ёрдамчи пудратчиларнинг солиқ даврида ҳақиқатда бажарган қурилиш ишлари асосида тўлдирилади (*ёрдамчи пудратчилар мазкур устунларни тўлдирмайди*).

**IX. 7-илова. Ҳар бир жисмоний шахс кесимида касаначилик фаолиятдан олинган даромадлар, мазкур даромадлар бўйича ҳисобланган жисмоний шахслардан олинган даромад солиғи тўғрисида  
МАЪЛУМОТ**

54. Ушбу иловада касаначилик фаолиятдан даромад олган ходимлар рўйхати акс эттирилади.

55. Илованинг барча устунлари мажбурий тарзда тўлдирилиши шарт.

56. 4-устунга, агар иш ўрни 01.01.2025 йилгача ташкил қилинган бўлса 01.01.2025 ёзилади, жорий йилда ташкил этилган бўлса сана кўрсатилади.

57. 5-7-устунларда жисмоний шахсларга ҳисобланган даромадлар тўлиқ кўрсатилади.

58. 5-устуннинг жами суммаси ҳисоб-китобнинг 013-сатридаги суммага тенг бўлиши шарт.

59. 6-8-устунларда жисмоний шахсларга ҳисобланган солиқ солинмайдиган даромадлар акс эттирилади.

60. 9-10-устунларда ҳисобланган даромад солиғи суммаси ШЖБПХга мажбурий ҳисобланган бадаллар суммасини ўз ичига олган ҳолда акс эттирилади.

61. 11-20-устунларда жисмоний шахслардан олинган даромад солиғи ва ижтимоий солиқ ҳисоб-китоби 2-илласида (*Жисмоний шахсларнинг солиқ солишдан озод этилган даромадлари ёйилмаси*) кўрсатилган имтиёз ID лари алоҳида кўрсатилиши шарт, агар имтиёз қўлланилмамаган бўлса, у ҳолда ушбу устунлар тўлдирилмайди.

**X. Солиқ органи томонидан ҳисоботнинг қабул қилинмаслиги сабаблари**

62. Ҳисоб-китобдаги рақамлар манфий.

63. Ҳисоб-китобнинг 050-сатрига солиқ ставкаларини киритмаслик ёки нотўғри киритилиши.

64. Ҳисоб-китобнинг 0121-сатридаги сумма 012-сатридаги суммадан ошиб кетиши

65. Ҳисоб-китобнинг 060-сатри 8-устунида ҳисобот ойда ШЖБПХга ҳисобланган бадаллар суммаси 0,1 фоиздан кўпайтириб кўрсатилиши.

66. 061-сатрида бир вақтнинг ўзиде ижтимоий солиқ (5 ва 6-устунлар) ва даромад солиғи (7-устун) суммасини акс эттириш.

67. 4, 5 ва 7-илловаларнинг барча устунлари тўлиқ тўлдирмаслик (бундан 4-илова 15-24-устунлар, 5-илова 10-19-устунлар ҳамда 7-илова 11-20-устунлар мустасно).

68. 4-иллованинг 11-устунидаги жами даромад суммаси Ҳисоб-китобнинг 011-сатридаги даромад суммасига тенг бўлмаслиги.

69. 4-илованинг 12-устунидаги жами даромад суммаси Ҳисоб-китобнинг 0110-сатридаги даромад суммасига тенг бўлмаслиги.

70. 5-илованинг 5-устунидаги жами даромад суммаси Ҳисоб-китобнинг 012-сатридаги даромад суммасига тенг бўлмаслиги.

71. 7-илованинг 5-устунидаги жами даромад суммаси Ҳисоб-китобнинг 013-сатридаги даромад суммасига тенг бўлмаслиги.

72. Ҳисоб-китобнинг 0110-сатридаги сумма 011-сатридаги суммадан ошиб кетиши.

73. Солиқ ҳисоботини 4, 5 ва 7 иловаларни юкламаган ҳолда жўнатиш.

74. Ҳисоб-китобнинг 4-илоvasи 13-устуни йиғиндиси, 5-илова 8-устуни йиғиндиси ва 7-илова 9-устуни йиғиндиси Ҳисоб-китобнинг 061-сатри 7-устуни, 070-сатри 7-устуни ва 090-сатри 7 ва 8-устунлари йиғиндисига тенг бўлмаслиги.